

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 260688 25 St
Zenica, 11.11.2025. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja OPERA d.o.o. Zenica, ul. Adolfa Goldbergera broj 9., Zenica, koga zastupa punomoćnik Advokatsko društvo "Alemdar Brkić" d.o.o. Tešanj, protiv protupredlagatelja OPERA d.o.o. Zenica, ul. Adolfa Goldbergera broj 9., Zenica, koga zastupa punomoćnik Advokatsko društvo "Alemdar Brkić" d.o.o. Tešanj, za otvaranje stečajnog postupka nad samim sobom kao stečajnim dužnikom, na ročištu 11.11.2025. godine donio je sljedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda, Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako povjeritelji predlože otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Privremeni stečajni upravitelj je na ročištu za ispitivanje uvjeta za otvaranje stečajnog postupka održanom 11.11.2025. godine izjavio da ostaje kod svih navoda iz Izvještaja od 03.10.2025. godine, kao i predloženih materijalnih dokaza i činjenica koje proizilaze iz istih. Izjavio je da stečajni dužnik nije u roku od 60 dana podnio nadležnom sudu prijedlog za otvaranje stečajnog postupka, da je predlagatelj povrijedio obavezu iz čl. 58. st 6. Zakona o stečajnom postupku F BiH, da je prijedlog za stečaj podnesen 19.05.2025. godine, a već na dan 23.11.2022. godine dug Novoj Banci po osnovu prekoračenja limita-overdraft kredit iznosio je 30.517,50KM. Izjavio je da je trenutni dug odnosno prekoračenje limita po osnovu overdraft kredita na računu Nova Banka Banja Luka broj: 555000019763518 na dan 25.09.2025. godine iznosi 34.074,92KM, da firma OPERA d.o.o. Zenica ulica Adolfa Goldbergera broj 9, ima otvoren transakcijski račun broj: 5555000019763518 i devizni račun broj: 5550000019763865, otvoreni kod Nova Banka Banja Luka, a iz materijalnog dokaza Potvrda broj: 016000-973/25 od 25.09.2025. godine, izdata od Nova Banka Banja Luka može se uočiti da firma OPERA d.o.o. Zenica na transakcijskom računu 5555000019763518 na dan 25.09.2025. godine ima registriran dug u visini od 34.074,92 KM, te da se radi se o overdraft tz. Zaduženju. Privremeni stečajni upravitelj je također istakao da je na dan 23.11.2022. godine konto kartice 42201 (kratkoročni krediti u zemlji) stečajni dužnik imao obavezu prema ovoj banci u visini od 30.517,59 KM, te da imajući u vidu da likvidnost obuhvata period 60 dana od dana stupanja platežne nesposobnosti evidentno je da stečajni dužnik u dužem vremenskom periodu od zakonom predviđenom nije bio sposoban da plaća dospjele obaveze te da je na taj način povrijedio član 58. stav 6. Zakona o stečaju, odnosno zakonski zastupnik ovog privrednog subjekta nije na vrijeme podnio prijedlog za pokretanje stečajnog postupka. Istakao je da što se tiče se tiče popisa i procjene imovine nije mogao obaviti obzirom da na lokaciji koja se formalno vodi u aktuelnom izvodu iz sudskog registra kao sjedište društva - Adolfa Goldbergera broj 9 Zenica, nema poslovnih prostorija ovog privrednog subjekta, već je komunikaciju ostvario sa knjigovodstvenim servisom Radius. Kada je u pitanju aktiva ovog privrednog subjekta odnosno imovina registrirana na kontima klase nula - stalna sredstva (nekretnine, mašine, oprema, računari i dr.) na kontu klase I (zalihe, roba) i na kontu klase II (potraživanja prema kupcima) istakao je sljedeće: da je uz Izvještaj dostavio Uvjerjenje Općinskog suda Zenica, ZK ured od 18.09.2025. godine, Uvjerjenje Službe za imovinsko pravne poslove geodetske poslove i katastar nekretnina Grada Zenica od 16.09.2025. godine, kao i Uvjerjenje MUP ZDK o posjedu motornih vozila od 17.09.2025. godine, iz kojih se može vidjeti da ovaj privredni subjekat ne raspolaže nekretnina, nema u posjedu nekretnina, i nema u posjedu i vlasništvu motornih

vozila odnosno priključnih vozila. Privremeni stečajni upravitelj je izjavio da iz materijalnog dokaza broj 6, koji je dostavio sudu, a tiče se bruto bilansa na dan 14.08.2025. godine, može se uočiti da firma ima date avanse za zalihe ne povezanim stranama u visini od 81.492,46 KM, zatim, potraživanja prema kupcima u zemlji u visini 22.041,54 KM, potraživanja prema zaposlenicima u visini 233.321,51 KM, što može da predstavlja imovinu koja bi mogla biti unovčena, ali da iz gore navedenih razloga treba istaći da su sva ta potraživanja starija od tri odnosno pet godina te da u tom periodu odnosno do dana podnošenja prijedloga za pokretanje stečaja, od strane stečajnog dužnika nisu naplaćivana, odnosno nisu ni pokretani sudski postupci za naplatu, a kada su u pitanju obaveze stečajnog dužnika prema bruto bilansu na dan 14.08.2025. godine one iznose 237.179,42 KM i to analitički iskazano dugoročne obaveze – krediti sa rokom otplate jedne godine u iznosu od 29.306,26 KM, kratkoročne obaveze kredititi do godine dana otplate u iznosu od 30.517,50 KM, obaveze po osnovu primljenih depozita u iznosu od 35.351,63 KM, dobavljači u zemlji 78.310,59 KM, dobavljači u inostranstvu u iznosu od 44.298,09 KM, obaveze za neto plate 770,00 KM, obaveze za porez na dobit Porezna uprava F BiH iznos od 14.279,94 KM, prema UIO ovo društvo nema obaveza. Izjavio je da iz gore navedenih činjenica proizilazi da stečajni dužnik nema stalnih sredstava nema likvidnih sredstava te nema potencijala da iz eventualno pronađene imovine – postojeće imovine podmiri troškove stečajnog postupka, nema uslova za daljnji rad, odnosno poslovanje. Imajući u vidu naprijed navedeno predložio je da sud pozove zainteresovane osobe da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko niko u ostavljenom roku ne predujmi određeni iznos, donese rješenje o otvaranju i zaključenju stečajnog postupka nad ovim društvom kao i brisanje istog iz sudskog i drugih registara po pravomoćnosti istog.

Punomoćnik predlagatelja je na ročištu izjavio da ostaje kod prijedloga za otvaranje stečajnog postupka, da nema pitanja niti primjedbi na izvještaj privremenog stečajnog upravitelja.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021 i 19/25), pozvao povjeritelje da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić